



# Պարույր Սևակ

## Երգի վարպետին

...Երբ հարգում են հիշատակը հանգուցյալի՝  
Ընդունված է չանդրադառնալ: Սակայն ինչպե՞ս, ինչպես լռե՞լ,  
Երբ բովանդակ գարհուրանքը մոտ անցյալի  
Կամենում են երկրի վրա նորից փռել,  
Կամենում են կրկին հանել հրապարակ,  
Լույս ընծայել նոր վարիանտով, հավելվածով արյունալի,  
Կամենում են նորից նրանք,  
Որոնք ձայնը կախարդական քո քնարի  
Խլացրին բիրտ խուժանի քրքիշի մեջ...  
Հոկտեմբերը մեզ առհավետ փրկեց մահվան ճիրաններից:  
Ավանդական մեր դաշտերում հնչեց նորից  
Քո «Հորովելը» քաղցրալուր,  
Պտղավորվեց «Ծիրանի ծառը» քաղցրանուշ,  
Եվ «Անտունին» քո հանճարեղ,  
Սրտակեղեք ծանոթ երգը «տնավարի»,  
Թովիշ դարձավ էլ ավելի՝  
Դադարելով կյանք լինելուց  
Եվ մնալով լոկ իբրև երգ,  
Լոկ եղանակ չնաշխարհիկ:  
Բայց աշխարհին  
Սպառնում են այսօր նորից կոտորածով:

Ատլանտյանով դեպի Բոսֆոր, Մարմարա ծով,  
Թավալվում է մի մութ ալիք:  
Հոխորտանքով անոթալի՜  
Յաթաղանն են փոխարինում ատոմային արկով նրանք,  
Ենիչերին՝ էքսպերտով,  
Կավե բերդը՝ «Թոշող բերդով»,  
Եվ մահիկը՝ արշավանքով խաչակրաց:  
Սակայն մարդը իր դարավոր խաչը կրած  
Շայրտել է արդեն մի կողմ՝ Չինաստանից  
Մինչև Վարշավ և Վարշավից մինչև Աթենք...  
Եվ թող հիմա «Հորովելը» քո հանճարեղ  
Թող որ փովի մեր արտերին,  
Իբրև սիմվոլ խաղաղության,  
Իբրև բարիք,  
Իբրև ցորեն:  
Թող փառավոր կվարտետդ քո համբավը հեռուն տանի:  
Մենք հանգիստ ենք վաղվա հանդեպ.  
Հին աշխարհի պատառոտվող խավարի դեմ՝  
Մեր երկիրը «քելեր-ցուլեր»:

IX.1949թ.